

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Oratio historica de initiis, causis et progressu Confessionis Augustanae et de vita ac laboribus M. Lutheri ...**

**Selnecker, Nikolaus**

**Ienae, 1592**

Redditio et expositio Graecorum versuum

[urn:nbn:de:bsz:31-67808](https://nbn-resolving.org/urn:nbn:de:bsz:31-67808)

REDDITIO ET EXPO-  
sitio Græcorum versuum.

IN INTERPRETATIONEM  
ET EXPLICATIONEM COELESTIS  
Confessionis, quæ à loco, Augustana nominatur: ad iu-  
uvenes salutaris veritatis, fidei, doctrinæ & pieta-  
tis studiosos: NICOLAI SELNEC-  
CERI NORIBERGEN-  
SIS, versus:

**N**genium, studium, curas, ope-  
rasq̄, tyrannis  
Morborum, testem, quàm  
remoretur, ago.

Fluxibus, & varia qui sæpe grauedine vexor,  
Totus, & infirmo corpore debilitor.

Sed quid tū? damnis non frangitur impetus illis,  
Nec vigor hinc, studij cursus & aura cadit,

Agnosco infirmæ naturæ debile filum,  
Et varij causam, principiumq̄ mali.

Agnosco pugnas, morsus, animosq̄ malignos,  
Vulnera & accipiens dira senesco miser.

Cladibus exortis ex me, mox cladibus hostis  
Emorior, tristis scuit utrinque metus.

At verbum et sincera fides mihi robur audauget:  
Mens bona præ vitæ prosperitate valet.

A 2

Nil

Nil metuo technas, hostes, mendacia, fraudes,  
Conscia si recti mens sit, & alma fides.

Ergo noui officij nunc munera rursus obimus,  
Ad Capita, & nostrum iam properamus opus.  
Christus enim nostri Rex optimus ille misertus  
Non renuit: medicas sed dedit ipse manus.  
Ante omnes prabens rebus medicamen in artibus,  
Vita, via, & solus Christus Aleximorus.  
Gloria sit tibi Gnate Dei, tibi gratia Frater,  
Propitia sanas qui mala nostra manus.  
Nunc Augustanos manibus tenuisse iuuabit  
Articulos, fidei splendida verba sacra.  
Quos artus nervosq; voco nunc dogmatis huius,  
Est cui prae reliquis semper habenda fides.  
Sanguine multorum, magna & confessio cura  
Firmata, aduersus permanet illa malos.  
Huic Electores, & magna mente Dynaste  
Se dedunt, Satana sic superantq; dolos.

O utinam Christi in laudem coniungeret omnes  
Normaq; concordēs redderet ista Duces.  
Heu, heu, quam videt hoc Ecclesia facta nefanda  
Tempore? nos trudent iurgia in exitium.

Fratres,

Fratres, collegas, conseruos, dulcis amicos  
Nos vocat, & coram sermo placere studet.  
Longè aliud post terga sonat mala lingua, repugnans  
Per totum, & contra dicit ubiq; sibi  
Hac mala, cuncta ferunt mala, mox mala plura vo-  
Nemo etenim falsis discit habere fidem. (cabunt.

Non te iuste Deus cladis latet autor acerba,  
Maxima rixarum cognita causa tibi est.  
Nec tantum hoc faciunt, Musas, Charitasq; Fidemq;  
Qui spernunt, sed qui pascitis ecce gregem.  
Heu quibus est anima concredita cura, ferini  
Sunt passim, nostro tempore calua lues.

Inuictum robur, Rex, atq; Prophetia Lutherus,  
Res ipsas, rerum verbaq; Rhetor habens.  
Hic seruus Christi prior omnibus, ille Lutherus,  
Quem dedit hoc nobis tempore dextra Dei.  
Doctrina excelsus purgata murus, Elias,  
Lites atq; animos conciliare potens.  
Aduersus stimulos, corruptelasq; ferentes  
Infractus gestans corda animosa Leo:  
Occidit heu nobis festo Concordia in ipso  
Heu quò consensus, quò volitauit amor?

Quò verbum, Socij, quò venit nomen amoris?  
Nec res, effigies, nec typus ullus adest.

Alter Musa fuit Cygni, Philomelaq<sup>3</sup> dulcis,  
Pieridum, Charitum, fama, Philippus, honor.  
Qui scripsit ductu Magni bona multa Lutheri,  
Quos sapiens legit Caesar & articulos,  
Restantis qui sunt nexus & vincula amoris,  
Conseruant reliquam qui quasi fulcra domum.  
Hisq<sup>3</sup> Catechismi, Capita & Smalcaldica iuncta,  
Sunt hodie libris ancora, norma, via.  
Inq<sup>3</sup> his consistit mediocri Ecclesia pace,  
Sunt & adhuc pondus, Lydius atq<sup>3</sup> lapis.  
Quaecunq<sup>3</sup> eveniant, sic viuum robur habemus,  
Verba Dei, fidei scutaq<sup>3</sup> acuta sacra.  
O vinam pereat, stygium & descendat ad Orcum,  
Qui cupit hac manibus soluere vincla suis  
Scripta Luthere manent, Concordia durat, & absit  
Fraus, tua sunt claro scripta Philippe loco.  
Discipulus bonus es Magni, calamusq<sup>3</sup> Lutheri:  
Si non es talis, non bonus esse potes,  
Hostes ut Cœna mendacia talia spargunt,  
Falsiloqui, diri, monstraq<sup>3</sup> plura, lupi.

Hacten-

*Haëtenus hac : sed omittamus scabiem : nocet istud :*

*Corrumpunt mores ista nefanda bonos.*

*Nunc potius dabimus pueris documenta salutis,*

*Cantica, sermones, cœlica verba, preces.*

*Huc pueri properate mei, fulcra vnica mundi,*

*Dogmata nec verba spernite sana Dei.*

*Sis anima Selnecceri Lux optima (CHRISTE,*

*Per vastum erranti clara columna fretum.*

*Consilia, & Pharyj fraudes cohibeto Tyranni,*

*Perde malos, pueris sit quoq; tuta quies.*

*Bella, famem, pestem longè, morbosq; repelle,*

*Seëtarum semper somnia vana premie.*

*Hasq; tuere vrbes, vt sacras semper ad aras*

*Et fidei & pura dogmata mentis ament.*

*Maxime nos serua miseros Seruator Iesu,*

*Vt celebrent laudes carmina nostra tuas.*

*Quando tibi visum est, tu vincula corporis illa*

*Soluito, cœlesti collige meq; throno.*

*M. Paulus Heuslerus Silesius.*

*Errata in oratione de D. Martino sic corrige.*

*Folio 6. a. versu 21. lege prelatarum. F. 11. a. v. 31. pro vellet l. nollet F. 21. a. v. vlt. pro qua l. que b. v. 28. pro nouisset l. noluisse. F. 25. b. v. 24. pro simibus l. similibus. F. 27. a. v. 29. pro Sachatz l. Schatz v. penult. pro ipso l. ipse. F. 31. b. v. 5. l. se etiam. F. 33. a. v. 12. pro vt. l. & F. 36. b. v. 31. pro Lanonica l. Laonica F. 43. a. v. 4. pro arculis l. articulis. F. 48. a. v. 22. sur es l. er. F. 52. b. v. 16. pro hunc l. huic F. 57. b. v. 8. pro magnorum l. magno cum & 6.*

